

ները, քչում, տանում, թափում է իր դելտայի ասիերը լայնացնելու:

Արեւելքում ամենանախնական շրջաներից սկսեալ ջրբաժան գիծն էր ցեղերի եւ տոհմերի կալուածների բաժանարար սահմանը: Մինչեւ օրս Օսմանեան իշխանութեան եւ Պարսկաստանի երկրներում ջրբաժան գիծն է կազմում կալուածների սահմանները: Մի որեւէ առուի մէջ շրջապատից հոսած եւ այդ առուն թափուած բոլոր ջրերը նոյն սահմանի մէջ եղած բոլոր հողերի հետ մի ամբողջութիւն է կազմում: Արեւելքում ուամկի բարբառում քարացած է «ախար-բախարի» միտքը, դա անփոփոխելի եւ անայլայլելի էր: Հետեւելով այս պատմական աւանդութեան, Ճորոխի Աւազանը մենք էլ բաժանելու ենք ջրբաժան գծով. ո՛չ թէ բռնակալ տիրող-յափշտակողների մահաճոյքով կամ սրի ճնշման տակ:

Ճորոխի Աւազանը Հայոց աշխարհին մօտ միացած սահմանները աւելի նման է մեր երկրին եւ որքան խորն էք մտնում, թափանցում էք այս երկրի խորքերը եւ աւելի Սեւ ծովին մօտ՝ այնքան կերպարանափոխում է: Այրարատեան նահանգից, Վանանդից-Բասենից Բարձր Հայք պտոյտ կատարելուց յետոյ, երբ ճանապարհորդը Կարնոյ սաղից (դաշտչամբ) ուղղւում է դէպի հիւսիս-արեւելք, անցնում է Թուլի, Թաֆթի, Կարազոորէկի ամբոցները (Թա-